

福安乡土志卷二

福安周祖颐少濂编辑

地理部

省府距本境方向里数

本境在福建省城北方五百里在福宁府城西北一百二十里纵二百里横一百五十里

本境四界

本境东至霞浦柘洋巡檢司一百里西至政和赤岸寨巡檢司二百四十里南至宁德闽院一百六十里北至浙江泰顺界二百五十里

又东南至霞浦柘溪公馆八十里西北至寿宁界一百二十里南至霞浦

并宁德界各二百里

本境分區 宋劉長溪县永乐乡之六百灵霍乡之三里隸本县元析永乐乡为福安用儒二

福安乡土志

卷二

一

京华印书局刷印

乡改灵霍乡为秦溪乡合归化東西二里为界東里凡三乡統八里領三十六都明改界東里为東西二里景泰間割平溪里十一至十四凡四都隸建宁府寿宁县今存者共三乡即为三区統九里領三十二都四十八图福安乡一区計三里界東里統都五图八界西里統都三图四平溪里統都二图三用儒乡一区計三里欽德里統都五图六西兴里統都四图六仁風里統都四图四秦溪乡一区計三里沿江里統都四图九秦溪里統都三图五秦東里統都二图三

各区方向

界東里一都五图在城內及北門外后坑官埔東坑並西門外街梅二三都一都在县東南一十里四都一都在县西北二十里五都一都在县西二十里界西里六都一都在县西北三十里七都一都在县東北三十里七都二都在县北七十里八都一都在县北六十里平溪里九都一都在县北四十里上十都一都在县北四十里下十都一都在县西六十里吳皆統於福安乡一区也欽德里十五都

一圖在縣西二十里十大都一圖在縣西二十五里十七都一二圖在縣西二十
五里十八都一圖在縣西三十里十九都一圖在縣西五十五里西興里二十都
一圖在縣西南十五里二十一都一二圖在縣西南二十里二十二都一圖在縣
南二十五里二十三都一二圖在縣南三十里仁風里二十四都一圖在縣南三
十里二十五都一圖在縣南二十里二十六都一圖在縣南三十里二十七都一
圖在縣東南四十里吳皆統於用儒鄉一區也沿江里二十八都一二圖在縣西
南八十里上二十九都一二圖下二十九都一二三圖在縣南六十里三十都一
圖在縣南六十里三十一都一圖在縣南五十五里秦溪里三十二都一圖在縣
南五十里三十三都一二圖在縣西南九十里三十四都一二圖在縣南七十里
秦東里三十五都一二圖在縣東南八十里三十六都一圖在縣東南一百里吳
皆統於秦溪鄉一區也

各區四界

福安鄉土志

卷二

二

宗律印書局印

福安鄉一區東至牛老子西至前洋南至高溪北至竹柄用儒鄉一區東至施坪
港西至合竹灣南至白巖裏北至大崗陽秦溪鄉一區東至大才良西至橋洋灣
南至赤埔頭北至白馬門山

城內古蹟祠廟坊表橋梁市鎮學堂

古蹟

重金山題名石在學宮後各勝志上有馬鞍石鐫云淳祐丁未臘月十九日北山
鄭宋儲邑令鄭黼同登

望耕亭在縣署後山高林茂可望城外宋縣令林子勳建原名宸峰亭

國朝知府李拔至邑蓋亭以望耕者因名為望耕亭光緒九年知縣徐承禧重建

祠廟

城隍廟在錦屏境

相傳神為明翰林院學士詹事府少詹事柯潛 國朝敕封聖
伯永鎮福安不知語何從出也潛字孟時莆田人犯明文本

傳

三賢祠在鹿斗鋪祀薛令之郑虎臣謝翱

薛補闕祠祀明月先生一在金山境一在三會堂街

文昌廟在冠山 蔡陽及各村文昌廟頗多概不具載

天后廟在龜湖山 南門外及各村天后廟甚多概不具載

拏公祠在錦屏境相傳神為拏姓明時遭厲福安偶早起見痛鬼故隸掘井上公叱之鬼曰吾行瘟者將毒泉井以杀民出药示公公奪而噉之群鬼散汲者至公告以故頒災毒发而卒邑人德之立祠祀焉

坊表

冠英坊在上杭為陳銜立

進士坊在東街為蕭顯立

省魁坊在蓮池上為郭殷郭文周立

桥梁

福安乡土志

卷二

三

京華印務局刷印

甘棠桥在縣治南元至正三年县尹趙元善建桥畔有池曰金塘亦曰凤眼

中鎮

县前市南街市金山市学前市青雲市中华市賢賢市

学堂

高等小学堂即紫陽书院改设初等小学堂凡三所一在

万寿宮一在三賢祠一在义倉

福安乡区内

古蹟

秦源旧隱在秦溪山後明孝廉陳宗德隱此

鷺谷草堂在秦溪明举人连邦琪读书处松竹陰翳畦圃疎落鹿城顧錫畴书扁

祠廟

朱韋齋祠在龟齡寺韋齋嘗携文公屬此後人因祀之

坊表

良弼坊在鶴山下为郭文周立

桥梁

溪口桥元皇庆间主簿胡建明成化五年重建

登龙桥在三都宋乾道五年建淳祐十年知县林子勳重建邑人缪塘赴春试饮

饒於此及第归乡人因以名桥

卜柄桥在龙潭上水形如卜字

沙潭桥在大都明正统间里人林安民建上覆以亭凡二十一间下有灵湫神物

居焉嘉靖十七年重建

同朝道光二十九年举人余崇龄倡修

市镇

洋头市龟岭市社口市坦洋市上白石市潭头市沙坑市

福安乡土志

卷二

四

宋牛印书局刷印

学堂

初等小学堂凡二所一在寮阳文昌宫一在文昌宫隔壁李家

用僻乡区内

古蹟

灵谷草堂在二十都灵巖山下薛明月居此嘗闻龙吟声後赐名廉山唐成通中

改为灵巖寺

北山溪庵在穆洋郑家居此理宗御书扁赐之又赐扇诗云秋思太华峰顶雪晴

德巫山一片雲去国归来猶未得诗篇遥赠北山君

龙颖书阁在福源山晋照巖缪幼节读书处後改为晋照庵阁匾犹存

周大山在二十五都学志宋止齋陈传良属此有纪咏鐫石歲久不可辨

米元章題石在二十都城山绝顶積善巖上

洞山九潭在彭洋学志明刘薦叔读书处嘗築石蓮山房径曲景幽有联云贫无

四壁书千卷富有九潭水一灣

雪洞在穆洋束山四壁石立鑿刘子读易所隸书五字笔力遒劲外有小径刻峨
岷三峡四字更上稍平衍雨干臚列为天池試劍諸蹟並記咏鑄石皆明大学士
刘中藻书

祠廟

仰止祠在十八都祀宋郑宗繆烈謝翹

郑北山祠祀宋郑宗南峰穆洋皆有祠

靈佑廟在廉村祀唐薛令之姪芳杜肅宗踐阼思東宮旧僚召令之子侄官之芳

杜因辭不起嘗自言死當为神年六十七无疾卒屢著靈異乡人立廟祀之祈禱

輒應宋嘉定初賜廟額曰靈佑封侯爵配陳氏封夫人

忠惠祠在穆洋神为羅漢充光州固始人任江州司户黃巢之乱避地入闽居穆

洋新荆棘治阡陌召民耕種遂成沃壤既没民懷其德立廟祀之水旱災疫祈禱

福安乡土志

卷二

五

宗件印书局刷印

輒應宋嘉定初賜廟額曰忠惠祠

坊表

進士坊在廉村宋政和五年为陳昂立

省元坊在穆洋宋嘉熙二年为繆烈立

狀元坊在穆洋宋淳祐七年为釋褐第一繆幼節立

奎光兆祥坊在穆洋明嘉靖三十一年为繆一夙立

奕世元魁坊在穆洋明萬历十七年为繆烈繆一夙同立

橋梁

臥虹橋在十六都橋座甄續志名天人橋恐空结构高百尺上覆以亭二十余间
咸丰四年监生刘绍基等倡建

龍首橋在穆洋乾隆间重建知府李拔因公過此題曰山環水帶
市鎮

白沙市溪柄市穆洋市苏堤市洪口市富溪津市
秦溪乡区内

古蹟

稅糧場在縣南三河口閩王審知置東轄溫麻港西轄童鏡港中轄甘棠港宋熙
寧五年行市易法以風濤險惡商舟艱於駐泊乃移置黃崎

甘棠港在黃崎鎮州志旧有巨石屹立波间多覆舟王審知禱海神轟石唐昭宗
賜號甘棠

考亭在二十八都學老朱文公与楊復講學处

王梅溪覆巖寺詩石刻在黃崎鎮後寺为唐咸通间建宋乾道二年王梅溪題詩
刻石

上東庵在二十八都唐咸通年建宋朱晦庵講學于此授徒楊復得成理學宋儒
題壁联有留衣韓伯人如玉解帶苏公價值金之句

福安乡土志

卷二

六

京牛印书局刷印

龟山寺在閩坑嶽其半屬宁德唐開元三年建初蔡柳二師入閩法曹楊郁处士
黃俞施山为寺延居之乃攜銅瓶鉄鉢逢龟而止入寂後王審知建殿奉之宋雍
熙二年賜額相傳朱晦翁楊信齋嘗寓僧舍而講學焉

祠廟

博陸侯祠在蘇洋宋刘自官妹舟遇風幾覆禱神求护隱隱見火光舟至何岸登
拜則漢霍光祠也因祀之

坊表

進士坊在蘇洋绍兴十八年为刘季裴立

橋梁

八仙橋在蘇洋嘉庆十九年建園子監學正刘爾臻致仕归年八十其子造橋因
名八仙

市鎮

賽江市甘棠市蘇洋市黃崎鎮市

附韓陽十景

馬嶼香泉在天馬山下源出石罅清冽而甘每暑月行人望之如金茎露元主簿胡連建石亭覆其上

石門漏月在秦溪東里許巖戶深邃三五之夕銀蟾穿隙娟娟可愛老杜詩土室延白光松門耿疏影依稀似之

仙岫晴雲邑西山峯巒聳秀雲飈變幻上有馬仙遺蹟禱雨輒應

巖湖板障邑北數里下為龍潭白波翠巘漁舟如葉亦佳景也

鶴岫朝煙即鶴山高峙邑東每曉烟一抹雉堞迷離登其頂者不知下有城市也

龜湖夕照即龜山之足在山外湖水繞之如玦環然夕陽之際山色湖光紫翠宕漾誦玉晞日暮當歸去魚鳥見流連之句情景宛爾

南野桑陰在南郊外向有桑陰十里今已無存然地多園圃町畦繡錯時而鳥啼

福安乡土志

卷二

七

京牛印務局刷印

雨歇畚鍤如雲亦足繪幽風一圖也

東山雪霽在邑東北五十里崔嵬逼漢積雪難消舊志云自州高棟發脉而來為

邑群山之祖上有喬樾絮大五丈

右俱在福安鄉區內

銅冠靈松在銅冠山上松樹困輪虬枝拘鐵蓋數百年物也舊志云銅冠山下有

清泉飲之愈疫

石在城內

廉嶺孤樹在邑西南嶺因薛令之得名中有古樹百尺無枝霜皮溜雨其龍門之

桐耶其孔明廟前之柏耶應有好事者摩挲其下

右在用標鄉區內

諸山門

考本境諸山山勢之高者莫如白云山山脉之遠者莫如東山其鶴山天馬山白馬門山城山福源山亦頗可頡頏然此皆各鄉之山也城內則有辰山龍山以及鳳頂鳳尾龜湖重金銅冠諸山本境山多不能備紀而所紀各山蓋其尤者焉耳辰山在縣治後屹然中立縣治負焉形如斧宸故名辰山之背是為龍山在縣治

西北楓柏成林每當秋季紅爛若錦舊築壩城連亘於龜湖山龜湖山在城西下有巨石如龜昔曾建學其上今改為寺循龍山而上為鳳頂山在縣北辰山後明御史陳鈞讀書處鳳頂之東為銅冠山在縣治東北昔作敵臺離城五十丈巖面女牆後以其勢孤難援毀之銅冠山之鄰即鳳尾山在城之東北草木陰翳地曠景幽中有上下二庵而重金一山以宋制惟兩府之臣得賜金帶佩魚謂之重金時邑人郊窠同簽樞密均遊此山因以名之彼其山固與辰山南北並峙者也出東門則鶴山逼邇郊外離城不及里原在城中因地曠難守截出之粟山在縣東北五十里高聳凌霄自霞浦高棟發脉為邑諸山之祖上有庵六月猶寒出南門外有天馬山離城數里形如馬勢頗外向再循東南行一百里為白馬門山巖石嵯峨下有石壁峭立中嵌小石天然白馬隔江又有巨石對峙架空玲瓏疊疊而上名馬槽石為邑水口昔人所謂三十六重關鎖其以此墩城山在縣西南一十五里唐末鄉民築城於此避黃巢之亂故曰城山福源山在縣西三十里三峯高

聳如鳳起舞名鳳翔峯有獅子巖普照巖觀音閣檨頭巖諸勝又有洞深邃屈曲數里宋繆幼節居此下為穆洋郊窠居焉之二山者皆出西門而可以至也其出北門一百里之白雲山則為閩東第一山山最高登絕頂俯覽城邑川海如在掌下有兩池產蘭玉色當午開花浮水面過午即沉入呼為午時蘭云以上十四山罕有水源其天馬山之香泉銅冠山之清泉詳見上卷水雖有源究屬井泉之小且其水僅能滯聚亦不流向他方而鶴山東距秦溪水三里東山東距秦溪水十五里天馬山之前即臨靖海關前之水白雲山東距橋下頭溪水二十里四山均屬福安鄉區內城山前有覆溪劍水交流福源山西距穆陽溪水十里二山均屬用儒鄉區內白馬門山前臨白馬江屬秦溪鄉區內惟辰山以下之山悉在城內故不獨何區與若干里可不必詳即距水亦多在城外與鄉區諸山距各多之水者究覺不同是以概從畧焉

本境之水分爲六大溪曰東溪西溪平溪秦溪大梅溪廉溪諸溪水皆歸於白馬江白馬江者邑之海口也諸溪發源在浙江與霞浦政和等處即以白馬江水爲委則其源在他境而委在本境耳考東溪在縣北六十里源自浙江慶元縣小溪東流至泰順界入本境青潭渡至新山水俱南流出新山外西環黃柏南至泰順之交溪交溪者泰順霞浦與本境交界之地也出交溪南至霞浦之清水坑復西至本境之眞潭箬坑東至渡頭轉西南隅至沙坑宴坑以入白石又西南至建柄大庄稍西而歸於上潭頭之小溪嘴與棠瀨溪合乃區爲白石棠瀨二溪白石溪承東溪而下源與之同棠瀨溪發源壽寧至劉坪入本境疊石溪歷虎跳江后墘壠白葉坑水俱由北而南又東流至坑口又西至溪裡又南至泰洪經棠瀨上潭頭與白石溪合

棠瀨溪行境內六十五里二溪統名東溪再由東溪南流歷夏陽中東至東崑湖塘又由西而南循鷓鴣塔至湖塘坂與西溪合約東溪行境內一百零五里西溪在縣北四十里源亦出慶元縣西界經壽寧斜難西流歷虎口窰面噴陽后大

寒塘溪西塘承天武曲俞坑上南岸入本境社口界東至巖下黃牛頭竹江墘下龜齡秀峯沙溪南岸湖塘坂與東溪合流是爲平溪行境內二十里平溪一名交溪在湖塘坂爲東西溪交會之地東流至長汀之長仔潭溪東潭巖湖潭過溪坂潭富春潭又西至西郊栖雲潭環溪陽尾潭右旋及南天馬山下與秦溪水會行境內二十里秦溪在邑東十里源自霞浦北洞小溪入本境却陽歷十里東流至劉陽南會林洋水迤北而南經埔兜外官財潭上浪潭溪裏長潭復東至礁下秦溪村橋頭磨步房埔下沙龍啓礁程家邊下磨溪口與環溪水合流至高家渡潭柳斜潭高演潭西至化城潭又東至白沙潭又西至黃瀾潭轉東至田坂潭與大梅溪水會行境內六十里大梅溪在縣東南四十里源自霞浦西界葛陂迤南流至浦欄東入本境歷陽北經柳溪松蘿西至嶺頭入福鼎之三界轉而北注本境之白沙窟歷秤陽溪南九瀨西至東坑半邊葛厝馬厝猪姆潭北至巖山田坂潭與大溪合流而南復歷水纏潭白鶴西抵賽江東入三港口與廉溪水會行境內

六十里廉溪在縣南二十五里源自政和縣東南界牛嶺經寧德界入本境青草渡東北流至穆洋復北至龍首橋東會下房小溪水北至長潭周坑聯山西至梧溪仙石東北至霞峯羅崗坂頭庄西北至廉村窩溪津又東北至高岑又西北至潭頭又東北至瀨尾骨又西北至溪填轉東北隅至於洪口豐隆西北至於大巷口東北至於小箬大箬西北至於后瀨廉首東抵三江口會大江歷環江蘇江甘棠港六嶼江黃崎鎮江白洲洋出白馬門流入於海行境內一百里大抵諸溪之水東溪大梅溪廉溪為最蟠曲其餘水流均稍平直而各溪皆通小船素溪獨不可通舟各溪行船試自白馬江汭流而上東溪至沙坑止西溪至斜灘止平溪與東西溪同大梅溪至辰山止由猪梅潭上至秤陽皆行筏廉溪至蘇堤止由蘇堤而下則可至穆洋上則可至青草渡惟下房一水船不可行耳若瀨海之境為賽江下白石其灣港島奠自三港口下有六嶼甘棠港長岐港再出白馬門而南又有覆釜奠白龍山皆屹立海中與霞浦寧德文界並可停泊輪船而為海疆之扼要至論水流之緩急

則東西溪至平溪為急流泰溪至溪口為急流大梅溪至秤陽廉溪至龍首橋廉首亦為急流此外則皆平流也各溪之水春夏固漲秋冬稍枯獨大梅溪廉溪頗近海潮雖秋冬亦不枯竭矣又諺閩桑梓者所不可不知者矣

道路門

本境城門分為六自治地起東行出東門至詹洋十里詹洋至仙峯十里仙嶺至鐵詩亭十里鐵詩亭至莆陽十里與霞浦文界西行則出大西門至銅嶺十里銅嶺至花亭十里花亭至穆洋十里穆洋至路頭十里路頭至牛嶺尾十里牛嶺尾至梨坪十里與寧德文界小西門路程與大西門同南行則出南門至高溪十里高溪至合掌嶺十里合掌嶺至東坑十里東坑至松蘿十里松蘿至柳溪十里與霞浦文界北行則出大北門至龍潭十里龍潭至東口十里東口至沙溪十里沙溪至龜齡十里龜齡至社口十里社口至神仙十里與壽寧文界其小北門則分二路一柱大北門與龍潭路程同一柱東門與詹洋路程同此外支路多會以上

各路出界則亦與以上各路同閩如出北門而至上白石棠瀨往泰順霞浦壽寧
出南門而至藤頭往寧德雖偶有陸路究多水路之隔故概從畧焉

物產部

動物天然產門

牛

虎

豹 毛赤而文黑為赤豹又有黑豹文圓為錢文豹

獺 小獸似狸而毛細入水不濡魚鱗不下者取其足項下爬之即愈

狐 說文妖獸也

蛤蜊 閩書殼白厚而圓海上人云蛤蜊文蛤皆一潮生一暈

堙 閩書種海泥若田畝然夾雜鹹淡水乃濕生如苗移種他處乃大長二三寸

所種之畝名堙田

福安鄉土志

卷二

十一

京華印書局刷印

蚕 以上各動物只錄其有閩製造者余不能備紀植物礦物倣此

動物製造產門

牛皮 可為烏可為鼓

虎骨 可煎為膠皮亦可為短褂

豹皮 可為短褂

獺皮 可為衣領

狐皮 可為衣褂 以上四獸之皮皆本境之天然而製造於他境者也

蛤蜊殼 可化為灰

蠶殼 可化為灰

蚕絲 可織為衣

植物天然產門

稻 名號甚多有早稻晚稻秠稻又有一種山稻種於山不水而熟

麥 有大麥小麥又有蕎花麥

豆 色有黑赤白綠又有扁豆蚕豆各種

芝麻 三山志有胡麻有大麻胡麻即油麻也

油菜

番薯 有紅白二色

竹蔗

樟 三山志大葉似楠而尖長彌辛烈者佳

楓

猶竹

罌粟

烟草

芋

福安乡土志

卷二

十二

京華印書局刷印

麻 有二種青麻黃麻

葛

綿花

桐 草木疏分青白赤三種

榛

柏

落花生

黍

蕞苡 三山志春生苗莖高三四尺葉如黍開紅白花五六月結實形如珠子也

稍長故又名蕞珠

植物製造產門

稻米 可釀為酒

麥粉 可為餅麩亦可為醬

豆汁 可煮為腐

麻子 可研為油

油菜子 可以壓油

薯絲 切以為米本境每遇凶年報藉以補穀食之王厥功甚大

蔗汁 可煮為糖

樟木 可以熬腦近年邑人始知煎熬之法而蒸於風水之說屢起爭訟几至因噎廢食可嘆也夫

楓子 可以壓油

猶筍 可以造紙

罌粟殼 可以煮成土藥毒人之物尹葉為宜

煙葉 可切為煙亦有由福鼎而來者

芋皮 可以織布

福安乡土志

卷二

麻皮 青麻可織為布黃麻皮僅可索綯

葛布 績葛成之

綿紗 可以織布

桐子 可以壓油

榛子 可以壓油

柏油 和蜡成燭

花生仁 可以壓油

黍米 可以造酒

薏仁 可以造酒 以上三件皆本境之天然而他境所製造也

礦物 天然產門

銀鑛

鐵鑛

礦物製造產門

銀 可為諸銀器

鐵 可為諸鐵器 右動植物礦物三宗皆係常產者

商務門

商貨分出口入口二種本境出口者綠茶白茶茅茶白尾茶烏龍茶二五箱茶銷行蘇州温州福州等處統計十萬挑茶油桐油銷行福州寧德各二千余挑牛皮銷行温州福州二百餘挑土煙銷行福州五千余挑白豆銷行寧德十万余斗是皆出口之大宗入口者蘇松串布五萬筒蘇杭綢緞三百余疋上海洋布一万余疋福州洋油八千餘箱香港温州寧波福州寧德药材五千余挑桐山煙葉一千餘挑福寧兩鹽場運鹽五万余挑是皆入口之大宗以上各件市情衰旺年有不問只能舉其大畧惟各件均係水運而桐山煙葉則係陸運入口各貨多在城內銷行而鹽則分運至東溪之銅台西溪之洪口兩處銷售耳若夫本境所產之物

福安乡土志

卷二

十四

京華印書局刷印

所制之品即銷行於本境者則更僕難數矣

此誌成於乙巳仲冬距今蓋四稔矣是秋粵東 梁耀堂司馬來宰韓陽適奉

奏定例目因示 願囑今編輯 不自量度遵例哀篇慮有舛誤每就正於 李慕

厚夫子及其成也 司馬已量移他邑繼任者為皖南 姚明府仲勛見 吳書

悉心商榷遂郵寄京師編書局收輯並詳送本省各大憲明年 願繆受明府之聘

為邑高等小學教員既疲於督課又以吳書不敢自信故未付梓然邑中諸小學

傳抄為難丁未夏仲 願初入都歲候一易蓋蒙少宗伯 張燮師待御 江杏師

太常 林隆師司馬 李伯師鑒閱之余囑付剞劂乃敘緣起并以質之有道云

戊申蒲節後五日 願又 識村屬宣武城南張第 御賜 圖書之室

福安乡土志卷二終

福安果文化館 年五月 據光緒三十一年 京華書局印本油印

